

經

義

述

聞

經義述聞第十八

高郵王引之

春秋左傳中七十六條

舍于窮桑 遂自亾也 攻靈公 未出山 倉大夫
龜 鬪穀於菀 無動 縣公 旅有施舍 卒偏之
兩 薄之也 待諸乎 故使子孫無忘其章 又可
以爲京觀乎 亢大國之討 此物 先大夫之肅
欲於鞏伯 寘諸楮中 賴前哲以免也 絲麻菅蔽
赦罪 應且懼 疏行首 三軍萃於王卒 閒蒙
甲冑 爲事之故 官不易方 師不陵正旅不偏師
臣不敢及 今旣耕而卜郊 親我無成鄙我是欲

不可從也 焚我郊保 馮陵我城郭 范匄少子中
行偃而上之 樂驥士魴上之 攝威之 荀偃將中
軍 農力 多遺秦禽 射爲禮乎 蔑之 越在他
竟 商旅于市 適人 官師 雉門之款 也乎
以卒 爲王御士 知不集也 則季氏信有力於臧
氏矣 藥戶 寢廟 沒沒 將庸何歸 一與一誰
能懼我 五吏三十帥 不可億逞 鳩藪澤 數疆
潒 公怨之 龍宋鄭之星也 遺民 熙熙乎 八
風 天又除之 過諸廷 婦義事也 誰知所儼
與子上盟 降婁中而旦 諄諄 高其閤閤 繕完

葺牆 威儀

舍于翳桑 翳桑之餓人

宣二年傳宣子田於首山舍于翳桑杜注曰翳桑桑之多蔭翳者注意蓋謂桑多蔭翳故宣子與靈輒休止其下引之謹案下文曰翳桑之餓人也則翳桑當是地名僖二十三年傳曰謀於桑下以此例之若是翳桑樹下則當日舍于翳桑下翳桑下之餓人今是地名故不言下也春秋地名或取諸草木若公會齊侯鄭伯于老桃

隱十

年傳齊侯宋人陳人蔡人邾人會于北杏

莊十

年傳晉師軍

于廬柳

僖二十

年傳戰于大棘

宣二

年傳諸侯之師至于城林

襄十

四師逆臧孫。至于旅松。十七年。游吉奔晉。及酸棗。三十一年。此

類不可枚舉。其以桑名者。虢公敗戎于桑田。僖二年。入桑

泉。二十二年。禦諸桑隧。成六年。晉敗狄于采桑。僖八年。及晉語敗

狄于稷桑。是也。且傳凡言舍于者。若出舍于睢上。成十五年。

甯子出舍于郊。襄二十六年。成子出舍于庫。哀十四年。舍于昌衍

之上。僖二十九年。退舍于夫渠。成十六年。舍于五父之衢。定八年。舍

于蠡室。舍于庚宗。哀八年。句末皆地名。其曰吳師克東陽

而進舍于五梧。哀八年。五梧地名。亦取諸草木矣。使謂舍

于五梧。為在梧樹之下。其可乎。自公羊氏傳聞失實。始

云。活我於暴桑下。而呂氏春秋報更篇。曰趙宣孟將上之。見就桑之

下有淮南人閒篇曰趙宣孟活飢餓人。淮南人閒篇。人於委桑之下。史記晉世家曰初盾山見桑下有餓人。又盾問其故曰我桑下餓人。竝承其誤。杜不能釐正而又臆爲之說。非也。余友馬進士器之亦云。翳桑蓋地名。

遂自亡也

杜注曰。輒亦去。引之謹案。此謂盾亡。非輒亡也。自宣子田于首山。至不告而退。明盾得免之由。盾旣免。遂出奔。出奔出於己意。不待君之放逐。故曰自亡。有亡。乃有復。故下文言宣子未出山而復。而大史謂之亡。不越竟也。若以此爲輒亡。則傳尚未言盾亡。下文何以遽云未出山而復乎。史記晉世家誤以靈輒爲示昧明。云明亦因

亡去。又云盾遂奔。不知遂自亡也。卽謂盾奔。非謂輒亡去也。杜氏蓋因史記而誤。穀梁傳敘此事亦云。趙盾出亡。至於郊。

攻靈公

趙穿攻靈公於桃園。釋文趙穿攻如字。本或作弑。引之謹案。攻本作殺。殺字隸或作煞。上半與攻相侔。又因上文伏甲將攻之而誤爲攻耳。趙穿殺靈公。故大史書曰趙盾弑其君。若但攻之而已。則殺與否尚未可知。大史何由而書弑乎。杜注宣子未出山而復曰。聞公殺而還。釋文聞公殺申志反。蓋殺有如字及申志反二音。故別之曰申志反。左傳釋文殺音申志反者。凡十三見。並與

此同。今本注及釋文俱改殺爲弑。非也。隱四年經衛州吁弑其君完。釋文弑音試。凡弑君之類皆放此。可以意求。不重音。釋文已云弑不重音。不應於此又音申志反也。公殺。正謂趙盾殺靈公。則

杜所據本作殺。明甚。釋文攻如字。亦當作殺如字。今本作攻者。後人以已誤之傳文。改不誤之釋文也。殺又音試。故別之曰如字。隱十一年傳。反譖公子桓公而請弑之。釋文弑作殺。云音試。一音如字。莊三十二年傳。不書殺。諱之也。釋文殺音試。一音如字。僖九年經。晉里克殺其君之子奚齊。釋文殺如字。又作弑。今本作誤爲音。傳同。公羊音試。二十四年傳。將焚公宮而弑晉侯。釋文弑作殺。云音試。又如字。三十三年傳。注冀芮欲殺文公。釋文殺音

試或如字。襄二十一年傳注終有弑般之禍。釋文般申志反。又如字。二十二年傳吾與般吾父。釋文般如字。一音試。定四年傳將弑王。釋文弑作殺云。如字又申志反。是其例矣。不直曰殺如字。而云趙穿殺如字者。以別於上文注之國以殺。下文注之間公殺。皆音申志反也。若攻字無申志反之音。直云攻本或作弑可矣。何須別之曰如字乎。且傳言攻者多矣。釋文皆不作音。何獨於此攻字而云如字乎。其爲後人所改明矣。鈔本北堂書鈔政術部十一。引此正作趙穿然靈公於桃園然。卽殺字也。陳禹謨本改從今本左傳作攻。史記十二諸侯年表。晉靈公十四年。

趙穿殺靈公。晉世家。盾昆弟將軍趙穿襲殺靈公於桃園。亦皆言殺本於左傳也。盾經始誤爲攻而諸本從之。遂使文義不明。當據書鈔釋文以正之。羣書治要載此傳作攻。蓋後人以今本改之也。魏徵與虞世南陸德明同時。斷無虞陸作殺而魏獨誤攻之理。亦當據書鈔釋文以正之。晉語趙穿攻公於桃園。攻字亦後人所改。

未出山

宣子未出山而復。杜注曰。晉竟之山。引之謹案。晉語陽處父如衛。反過甯甯嬴從之。及山而還。韋注曰。山河內溫山也。傳曰。及溫而還。然則未出山亦謂未出溫山也。

注未詳考。且是時晉竟南至河。而山在其內。僖二十五
年傳。晉於是始啟南陽。杜彼注曰。在晉山南河北。故曰
南陽。據此。則出山尚未越竟。不得以爲晉竟之山也。家
語正論篇作未及山而還。王肅注曰。山。晉之境。誤與杜
注同。

食大夫餼

四年傳。及食大夫餼。召子公而弗與也。家大人曰。餼下
當有羹字。謂爲餼羹。以食大夫也。下文染指於鼎。嘗之
而出。所嘗者羹也。則上文原有羹字可知。自唐石經脫
羹字。而各本遂沿其誤。太平御覽人事部十一指篇。飲

倉部十九夔篇。鱗介部四龜篇。引此皆無夔字。案御覽
載此事於夔篇。則所引當有夔字。今本無者。後人依俗
本左傳刪之。因并刪指篇龜篇兩夔字耳。鈔本北堂書
鈔酒倉部三夔篇。出龜夔二字。注引左傳倉大夫龜夔
陳禹謨本刪注。文夔字。初學記服倉部夔篇引同。白帖
而正文龜夔二字尚存。十六夔篇出龜夔二字。注所引亦同。今本注內無夔高
字亦後人所刪。注呂氏春秋季夏篇及淮南時則篇。竝云。龜可爲夔。引
左傳鄭靈公不與公子宋龜夔。呂氏春秋論大篇注引同。則傳文原
有夔字甚明。史記鄭世家敘此事亦云。及人見靈公進
龜夔。又云。靈公召之。獨弗與夔。韓子難四云。倉龜之夔。

鄭君怒而不譌。易林蒙之萃云。龍莫芳香。梁指弗嘗。龍羹之文皆本於左傳。

鬪穀於菀

楚人謂乳穀謂虎於菀。故命之曰鬪穀於菀。引之謹案傳凡言命之曰某者皆名也。未有連姓言之者。鬪字蓋涉他篇鬪穀於菀而衍。自朱梁補戶經已然。而各本皆沿其誤。漢書敘傳。楚人謂乳爲穀。謂虎爲於菀。與菀同故名穀於櫟。論語公冶長篇皇疏。此兒爲虎所乳。故名之曰穀於菀也。穀。奴口反。說文穀。乳也。從子。穀聲。作穀者俗字耳。皆無鬪字。

無動

十一年傳謂陳人無動動字杜氏無注引之謹案動謂驚懼也昭十八年傳將有大祥民震動震動猶震驚也商頌長發篇不震不動鄭箋曰不可驚憚也爾雅曰震驚懼也震動也文十五年公羊傳其實我動焉爾何注曰動懼失操宋衷注春秋緯曰驚動也見文選羽獵賦注今俗語猶云驚義並相通史記陳世家作謂陳曰無驚是其證矣孟子盡心篇王曰無畏文義與此相似

縣公

諸侯縣公皆慶寡人杜注曰楚縣大夫皆僭稱公引之謹案縣公猶言縣尹也與公侯之公不同如謂楚僭稱

王其臣僭稱公則楚官之貴者無如令尹司馬何以令
尹司馬不稱公而稱公者反托縣大夫乎襄二十五年
傳齊棠公之妻東郭偃之姊也杜注曰棠公齊棠邑大
夫齊之縣大夫亦稱公則公爲縣大夫之通稱正義謂其家臣
僕呼之曰公傳卽因而言之非也作非僭擬於公侯也
傳者非其臣僕何爲與臣僕同稱若以爲僭則公尊於侯齊君但稱侯豈有其臣反稱公
者乎鄉飲酒禮諸公大夫鄭注曰大國有孤四命謂之
公則孤卿得稱公亦非公侯之公也

旅有施舍 施舍已責 魏絳請施舍 施舍

可愛 施舍寬民 施舍不倦 喜有施舍

引之謹案。古人言施舍者有二義。一爲免繇役。地官小

司徒凡征役之施舍。鄭注曰。施讀爲弛。鄉師辨其可任

者。與其施舍者。注曰。施舍謂應復免不給繇役是也。一

爲布德惠。蓋古聲舍予相近。

名。古音暑。見唐韻正。

施舍之言。賜予

也。宣十二年左傳。旅有施舍。謂有所賜予。使不乏困也。

若地官遺人。野鄙之委積以待

羈旅。委人以旬。聚待羈旅是也。成十八年傳。施舍已責。

襄九年傳。魏絳請施舍。輸積聚以貸。三十一年傳。施舍

可愛。昭十三年傳。施舍寬民。又施舍不倦。

又十九年傳。王施舍不倦。

二十五年傳。喜有施舍。周語。縣無施舍。

施舍。若遺人。郊里之委積以待。

賓客。及廬有飲食路室。有委候館有積是也。

又聖人之施舍也。

議之。施舍謂賜子窮。

困之人。下文喜怒取與。則謂因怒而奪。因喜而與。以其人之功罪定之也。又布憲施舍於百

姓。晉語施舍分寡。楚語明施舍以道之忠。

忠謂惠愛也。吳語曰。忠惠

以善之。是也。韋注以爲忠恕失之。

皆謂賜予之也。杜注施舍不倦。曰施

舍。猶云布恩德得傳意矣。而其他則以施爲施惠。舍爲

不勞役。強分施舍爲二。非也。韋注縣無施舍。曰所以施

舍。賓客負任之處。

此誤作休息解。

注聖人之施舍。曰施予也。舍

不予也。注布憲施舍。曰施施惠。舍舍罪也。注施舍分寡

曰施。施德也。舍舍禁也。注明施舍以道之忠。曰施已所

欲。原心舍過。同一施舍。而前後屢易其說。蓋古訓之失

傳久矣。

卒偏之兩 以兩之一卒適吳舍偏兩之一馬

廣有一卒。卒偏之兩。服注曰。百人爲卒。言廣有卒爲承

也。五十人曰偏。二十五人曰兩。廣旣有一卒爲承。承有

偏。偏有兩。故曰卒偏之兩。

見夏官敘官
大司馬疏

杜注曰。十五乘

爲一廣。司馬法。百人爲卒。二十五人爲兩。車十五乘爲

大偏。今廣十五乘。用舊偏法。復以二十五人爲承。副引

之謹案。偏非司馬法之偏。兩亦非司馬法之兩也。杜解

偏字兩字皆失其指。服解偏字是也。而解兩字則非。今

案卒偏之兩者。百人爲卒。五十人爲偏。兩偏則一卒。故

曰卒偏之兩。言一卒之數乃偏之兩也。偏五十人兩之

則百人欲明卒是百人故曰卒偏之兩耳。服誤以兩爲二十五人則與之字文義不合。杜以偏爲車十五乘而云廣十五乘。用舊偏法。復以二十五人爲承副。則是於人數之卒兩雜以車數之偏。文義之不倫甚矣。又案成七年傳以兩之一卒適吳舍偏兩之一馬。杜注曰。司馬法。百人爲卒。二十五人爲兩。車九乘爲小偏。十五乘爲大偏。蓋畱九乘車及一兩二十五人。令吳習之。正義曰。以兩之一。謂將二十五人也。又言卒。謂更將百人也。舍偏謂舍一偏之車九乘也。兩之一馬。又舍二十五人也。案兩之一爲二十五人。卒爲百人。兩之於卒。四分之一。

也。傳當先言卒。後言兩之一。何得先言兩之一。後言卒乎。其不可通一也。二兩二十五人。謂之兩之一。則一卒百人。一偏九乘。何以不云卒之一偏之一乎。其不可通二也。車一乘。當有甲士三人。九乘則二十七人。今云二十五人。則不足以供九乘之用。若謂二十五人爲步卒。則司馬法。甸出長轂一乘。步卒七十二人。見成元年左傳正義。九乘則六百四十八人。成出革車一乘。徒二十人。見地官小司徒注。九乘則一百八十人。亦不當云二十五人也。其不可通三也。今案以兩之一卒適吳兩之二字。蓋因下句舍偏兩之一而衍。當作以一卒適吳。一卒百人也。半其數。

則爲偏偏五十人也。一卒有兩偏。以一卒適吳者。以兩偏適吳也。以兩偏適吳而舍其一。是於偏舍兩之一也。故曰舍偏兩之一焉。不曰舍卒之半。而曰舍偏兩之一者。軍制人數多少皆爲之名。半卒五十人。自以偏名。則當舉偏言之。不得但云卒之半也。不曰舍一偏。而曰舍偏兩之一者。欲見一卒本有兩偏。舍其一於吳。仍歸其一於晉也。兩者數之偶。兩之一。猶云參之一四之一耳。宣傳曰。廣有一卒。卒偏之兩。此傳曰。以一卒適吳。舍偏兩之一焉。則一卒之爲兩偏。兩偏之舍其一。較然著明。學者尚何疑焉。自解者誤以偏爲九乘。兩爲二十五人。

又不察兩之一卒之衍兩之二字於是義雜而文亦難
通宜乎孔冲遠之病其蹇澀矣

見正義

又案昭元年傳說

晉人毀車以爲行曰兩於前伍於後專爲右角參爲左
角偏爲前拒正義曰服虔引司馬法皆準車數多少以
爲別名此傳去車用卒而有此名則此名不以車數爲
別也然則偏爲前拒乃人數之名蓋亦以五十人爲偏
也齊語曰五十人爲小戎與此異名而同實

薄之也

軍志曰先人有奪人之心薄之也家大人曰薄之也本
作薄之可也上文引詩而釋之曰先人也此又引軍志

先人有奪人之心以明先人之可以制勝然後終言之曰薄之可也此四字乃總結上文之詞今本作薄之也則是專釋軍志之文而餘文不與焉失其旨矣鈔本北堂書鈔車部一引此正作薄之可也陳禹謨本刪去通典兵十五同自唐石經始脫可字而各本皆沿其誤

待諸乎 吾無以待之

楚子使潘黨率游闕四十乘從唐侯以爲左拒以從上軍駒伯曰待諸乎引之謹案待諸者禦之也時上軍未動故卻克欲禦楚師士會以寡不敵眾故收軍而退也魯語帥大備以憚小國其誰云待之楚語其獨何力以

待之。韋注竝曰待禦也。昭七年傳曰晉師必至吾無以

待之。管子大匡篇曰鮑叔因此以作難君必不能待也

制分篇曰敵人雖眾不能止待

止待猶言止禦尹知章注以不能止絕句待字

下屬爲句失之

孫子九變篇曰用兵之法無恃其不來恃吾有

以待也。墨子七患篇曰桀無待湯之備故放紂無待武

之備故殺。孟子梁惠王篇曰諸侯多謀伐寡人者何以

待之。是待爲禦也。禦敵謂之待故爲宮室以禦風雨亦

謂之待。重門擊柝以待暴客。上棟下宇以待風雨其義

一也。墨子辭過篇宮室足以待雪霜雨露節用篇待作

圉圉卽禦字也。

故使子孫無忘其章

夫武禁暴戢兵保大定功安民和眾豐財者也故使子孫無忘其章杜注曰著之篇章使子孫不忘正義曰杜以文承武王克商作頌之後又連四篇詩義故以爲著之篇章劉炫云能有七德故子孫不忘章明功業橫取下文京觀爲無忘其章明武功以規杜失非也家大人曰劉以章爲章明功業是也凡功之顯著者謂之章魯語曰今一言而辟境其章大矣晉語曰以德紀民其章大矣韋注竝云章著也義與此章字同使子孫無忘其章卽上文所云示子孫以無忘武功則章者正章明功

業之謂。非謂篇章也。功業。卽指禁暴以下七德而言。故下文曰。武有七德。我無一焉。何以示子孫。若云使子孫無忘其篇章。則未矣。

又可以爲京觀乎 不可以終

家大人曰。古何字通作可。襄十年傳。下而無直。則何謂二矣。釋文。何或作可。誤也。陳氏芳林考正曰。古文可爲何字之省。未應遽斥爲誤。昭八年。若何弔也。釋文。何。本或作可。齊策。可往矣。姚本如是。鮑本作何。宗廟以矣。韓策。夫爲人臣者。言可必用。盡忠而已矣。石鼓文。其魚佳可。惟字。惟字。可字竝與何同。史記陸賈傳。何乃比於漢。說苑奉使篇。何

作可皆其證也。宣十二年傳。今罪無所而民皆盡忠以
死。君命又可以爲京觀乎。宋十行本。明閩本。監本。毛本
可皆作何。唐石經。宋淳熙本。岳本。皆作可。或曰。作何者
誤。余謂可卽何字也。此言古之爲京觀。所以懲有罪也。
今晉寔無罪。則將何以爲京觀乎。旣曰何以和。又何以
豐財。何以示子孫。又曰何以爲京觀。四何以文同一例。
爾雅釋詁疏。唐石經作可者。何之俗字耳。非有兩義也。
引此亦作何。又襄三十一年傳。民所不則。以在民上。不可以終。案不
可以終。本作可以終世。可卽何字也。上旣言不能終矣。
此又言何以終世。作問詞以申明之。正與上文相應也。

僖十一年傳禮不行則上下昏何以長世文義正與此同下文言令聞長世又與終世相應也唐石經及各本皆作不可以終者傳寫脫去世字僅存可以終三字後人又誤讀可爲可否之可遂於可上加不字耳漢書五行志載此文正作何以終世宋景祐本如是今本作不可以終乃後人以左傳改之志文本於劉歆蓋歆所見傳文本作可以終世而可即何之偕字故引傳直作何也

亢大國之討

十三年傳晉以衛之救陳也討焉孔達曰我則爲政而亢大國之討將以誰任我則歿之家大人曰亢當也十

四年左傳晉禦其上。戎亢其下。呂氏春秋離俗篇。豈亢
 責也哉。高杜注。並曰。亢。當也。字通作伉。呂氏春秋士節
 篇。身伉其難。
 高注。伉。當也。大國之討。謂晉討衛之救陳也。言我寔掌
 衛國之政。而當晉之討。不得委罪於他人也。十二年宋
 伐陳。衛孔達救陳。曰。若大國討。我則效之。是其證也。杜
 訓亢為禦。以亢大國之討。為禦宋討陳。皆失之。

此物

十五年傳羊舌職說是實也。曰。周書所謂庸庸。祗祗者
 謂此物也。夫杜注曰。物。事也。引之謹案。物類也。
 生也。與吾同物。宣十二年傳。百官象物而動。昭元年傳。
 言以知物。九年傳。事有其物。晉語如草木之產也。各以
 其物。章杜注。言周書所謂庸庸。祗祗者。其謂此類也。夫
 並曰。物類也。

前六年傳周書曰燧戎殷此類之謂也十二年傳史佚所謂母怙亂者謂是類也皆其證

先大夫之肅

成二年傳此城濮之賦也有先君之明與先大夫之肅故捷家大人曰肅謂敏捷也爾雅曰肅速疾也肅速也晉語曰知羊舌職之聰敏肅給是也

韋注肅敬也夫才之說見晉語

具敏捷則可以勝敵故曰有先君之明與先大夫之肅故捷則肅非肅敬之謂也下文曰克於先大夫無能爲役亦言克之才迥不及先大夫之敏捷非不敬之謂也

欲於鞏伯 豈不欲吳

余雖欲於鞏伯其敢廢舊典以忝叔父引之謹案欲猶好也好呼言余雖愛好鞏伯不敢廢舊典而以獻捷之

禮相待也古者欲與好同義凡經言者欲皆謂耆好也言欲惡皆謂好惡也秦誓我尚不欲越語吾不欲匹夫之勇皆謂不好也論語言欲仁欲善孟子言可欲之謂善亦皆與好同義故孟子所欲有甚於生者中論天壽篇作所好荀子不苟篇欲利而不爲所非韓詩外傳作好利矣又昭十五年傳蔡人逐朝吳朝吳出奔鄭王怒謂費無極曰余唯信吳故寘諸蔡女何故去之對曰臣豈不欲吳亦謂豈不好吳也杜解欲於鞏伯云欲受其

獻解豈不欲吳云非不欲善吳皆失之

寘諸褚中

三年傳荀營之在楚也鄭賈人有將寘諸褚中以出枉
注孔疏皆不言褚爲何物引之謹案玉篇褚裴衣也字
或作禡一切經音義卷十四引通俗文曰裴衣曰禡說
文繫傳曰褚衣之褰也集韻曰褚褰也襄三十年傳取
我衣冠而褚之杜注曰褚畜也呂氏春秋樂成篇作我
有衣冠而子產貯之褚可以裴衣亦可以裴眾物說文
貯。幅也所以盛米又曰幅載米貯也繫傳曰貯。囊也莊
子至樂篇曰褚小者不可以懷大綆短者不可以汲溪

賈子春秋篇曰囊漏貯中。褚裒貯貯竝字異而義同。褚可以裝物亦可以裝人。故鄭賈人欲寘荀罃於褚中以出。哀六年公羊傳。陳乞以巨囊載公子陽生。事與此相類也。

賴前哲以免也

八年傳。夫豈無辟王。賴前哲以免也。顏師古匡謬正俗曰。潘安仁而征賦云。平失道而東遷。繫二國而是祐。豈時王之無辟。賴先哲以長懋懋訓勉勵之勉。旣改左傳本文於義未爲允愜。引之謹案安仁所見左傳蓋作勉。勉者免之借字也。秦策。免於國患。當作免大利也。鮑彪

國於患。

曰。免元作勉。犬戴禮曾子立事篇曰。雖有微過亦可以勉矣。又曰。亦始勉於罪矣。晉語曰。彼若不敢而遠逃。乃厚其外交而勉之。韋注以爲勸勉。失之。辯見國語。皆僭勉爲免也。古本左傳亦僭勉爲免。故安仁誤解爲懋耳。義雖未愜。然左傳本文作勉於此可見。不然則免之與勉。意義絕殊。傳如作免。安仁何肯訓爲勉乎。

絲麻菅蔽

九年傳詩曰。雖有絲麻。無弃菅蔽。正義曰。陸機毛詩疏曰。菅似茅滑澤無毛。柔朋宜爲索蔽。與菅連亦菅之類。褻服傳曰。疏屨者。黼蔽之非也。可以爲屨引之。謹案絲

麻菅蔽皆可爲屨。喪服有菅屨。麻屨。檀弓曰。絲屨組纓。皆是也。此以作屨。譬之言菅蔽。雖不如絲麻。然其爲屨。則一也。故不可弃。

赦罪

十三年傳。我襄公未忘君之舊勳。而懼社稷之隕。是以

有殺之師。猶願赦罪於穆公。引之謹案。赦與釋同。

魏策信陵

君使使者謝安陵君曰。無忌。小人也。釋解也。故杜注曰。困於思慮。失言於君。敢再拜釋罪。

釋解也。故杜注曰。

晉欲求解於秦。釋赦古同聲。故說文赦從赤聲。赤釋聲。相近也。又昭五年傳。暨牛禍叔孫氏。使亂大從殺適立。庶又披其邑。將以赦罪。赦亦與釋同。謂分叔孫氏之邑。

以賂南遺將以自釋其罪也。家語正論篇作以求舍罪。
舍亦與釋同。周官占夢乃舍萌于四方法。舍讀為釋。古者釋菜釋奠多作舍字。鄉飲酒禮主人釋服。大射儀獲而未釋獲。古文釋並作舍。

應且憎

君有二心於狄。有與又同。曰晉將伐女狄。應且憎。是用告我。

杜注曰：言狄雖應答秦而心實憎秦，無信家大人曰：廣雅應受也。言狄人受君之言，且憎君之無信，是以來告我也。周語班先王之大物以賞私德，其叔父實應且憎以非余一人。韋注曰：應猶受言。晉文雖當私賞，猶非我一人也。晉語若以君官從子之私，懼子之應且憎也。注

曰外應受我。內憎其非。是凡言應且憎者。皆謂受且憎。非謂應答也。周頌賚篇曰。我應受之。襄十三年左傳曰。應受多福。逸周書祭公篇曰。應受天命。是應與受同義。康誥曰。應保殷民。言受保殷民也。信十二年左傳曰。余嘉乃勳。應乃懿德。言受乃懿德也。管子小匡篇曰。應公之賜。外且不朽。言受公之賜也。

疏行首 問盟首

引之謹案。成十六年傳。塞井夷竈。陳於軍中而疏行首。杜注曰。疏行首者。當陳前決開營壘。爲戰道。案下文曰。將塞井夷竈而爲行也。則塞井夷竈。正所以疏行首。非決開營壘之謂也。首當讀爲道。疏通也。謂通陳列隊伍之道也。井竈已除。則隊伍之道疏通。無所窒礙矣。又襄

二十三年傳季孫召外史掌惡臣而問盟首焉注曰盟首戰書之章首案盟詞簡約無篇章

下文母或如云云是也

不得

云章首首亦當讀爲道盟道盟惡臣之道也古字首與道通逸周書芮良夫篇予小臣良夫稽道羣書治要作稽首史記秦始皇紀追首高明索隱曰曾稽刻石文首作道

三軍萃於王卒

楚之良在其中軍王族而已請分良以擊其左右而三軍萃於王卒必大敗之襄二十六年傳吾乃四萃於其王族必大敗之正義曰楚語云三萃以攻其王族必大

敗之。韋昭云：時晉有四軍，言三集者，中軍先入而上下及新軍乃三集以攻之。韋昭見彼爲三字，故說之使通耳。蓋二文不同，必有一誤。引之謹案：三軍萃於王卒，三萃以攻其王族，三皆當爲三。說文曰：三，籀文四。鄭注：觀禮曰：古書作三四，或皆積畫，字相似。由此誤也。晉之四軍合而攻楚之中軍，故曰四軍。萃於王卒，又曰四萃於其王族，不得言三也。學者多見三，少見四，故三字誤書作二。萃有襄二十六年四萃之文，足以證之耳。

間蒙甲冑

君之外臣至，從寡君之戎事，以君之靈，間蒙甲冑。杜注：

曰閒猶近也。釋文近。一本作與音預。家大人曰。訓閒爲近於義無取。一本作與是也。言以君之靈得與衆甲冑也。莊十年傳。肉食者謀之。又何閒焉。昭二十六年傳。諸侯釋位以閒王政。杜注竝曰。閒猶與也。是其證。韓子亡徵篇曰。上閒謀計。下與民事。

爲事之故

爲事之故。敢肅使者。杜注曰。言君辱命來問。以有軍事不得荅。故肅使者。家大人曰。杜以事爲軍事非也。事謂楚子使人來問之事。晉語曰。爲使者故。敢三肅之。是其明證矣。

官不易方

十八年及襄九年傳竝曰官不易方杜前注曰官守其業無相踰易後注曰方猶定也引之謹案方常也恒象傳曰雷風恒君子以立不易方謂不易常也檀弓左右內則博學無方論語里仁遊必有方鄭注竝曰方猶常也周語官不易方韋注曰方道也道與常義相近晉詔官方定物注曰方常也物事也立其常官以定百事

師不陵正旅不偏師 官之師旅 百官之正

長師旅

引之謹案經傳言師旅者有二義一爲士卒之名小司

徒五卒爲旅。五旅爲師。是也。一爲羣。有司之名字。夫掌
百官府之徵令。辨其八職。一曰正。掌官灋以治要。二曰
師。掌官成以治凡。三曰司。掌官灋以治目。四曰旅。掌官
常以治數。是也。襄十年左傳。官之師旅。不勝其富。十四
年傳。今官之師旅。無乃實有所闕。以攜諸侯。晉語。陽有
夏商之嗣典。有周室之師旅。樊仲之官守。堯皆謂掌官
成。官常者。官之師旅。猶言羣有司也。周室之師旅。卽官
守也。蓋樊仲之官守。所守者嗣典也。其官則師旅也。三
句一貫。故下文但曰。其非官守也。其大小之變。則旅卑
於師。師又卑於正。故八職師旅在正之下。成十二年傳。

師不陵正旅不偪師言小不加大也襄二十五年傳百
官之正長師旅先正長而後師旅也楚語天子之貴也
唯其以公侯爲官正而以伯子男爲師旅言公侯之統
伯子男猶官正之統師旅也乃杜注師不陵正旅不偪
師曰師二千五百人之帥也旅五百人之帥也注官之
師旅曰師旅之長注百官之正長師旅曰師旅小將帥
也韋注伯子男爲師旅曰師師旅也皆不知師旅爲羣
有司之名而誤以爲帥師旅者夫帥師旅者豈得遂謂
之師旅乎至韋注周室之師旅曰周室之師眾則又誤
以爲人眾之名矣又案宰夫之一曰正左傳之師不陵

正百官之正長楚語之官正亦謂羣有司也詳見宰夫
一曰正下。

臣不敢及

襄四年傳三夏天子所以享元侯也使臣弗敢與聞文
王兩君相見之樂也臣不敢及家大人曰臣上亦當有
使字三夏文王皆非宴使臣之樂故曰使臣弗敢與聞
又曰使臣不敢及若云臣不敢及則上下異文矣下文
云君所以勞使臣又云君教使臣使字皆不可省也鄉
飲酒禮疏引此無使字亦後人依俗本左傳刪之案正
義云諸侯來朝乃駟文王遣臣來聘必不得同矣遣臣

卽使臣則傳文本作使臣不敢及明矣。魯語云。夫先樂
金奏肆夏繁遏渠。天子所以饗元侯也。夫歌文王大明
騶則兩君相見之樂也。皆非使臣之所敢聞也。彼文總
說六詩而曰皆非使臣之所敢聞。則此亦當云使臣不
敢及明矣。自唐石經始脫使字。而各本皆沿其誤。小大
雅譜正義及太平御覽禮儀部二十一引此竝作使臣
不敢及。

今旣耕而卜郊

七年傳是故啟蟄而郊。郊而後耕。今旣耕而卜郊。豈其
不從也。杜注曰。啟蟄夏正建寅之月耕。謂春分引之。謹

案耕謂正月夏小正正月農耕及雪澤正月已耕矣二月乃卜郊故曰既耕而卜郊杜誤以春分爲耕時孔曲爲之說非也

親我無成鄙我是欲不可從也

八年傳楚子囊伐鄭子駟子國子耳欲從楚子孔子矯子展欲待晉子展曰小國無信兵亂日至亡無日矣雖楚救我將安用之親我無成鄙我是欲不可從也不如待晉家大人曰親我無成四句承上雖楚救我將安用之而言言楚之親我有始無終而其心且欲以我爲鄙邑故楚不可從不如待晉也杜注以親我爲晉親鄭鄙

我是欲爲鄭欲與楚成不可從爲子駟不可從皆失之

焚我郊保 伐我保城 令隧正納郊保

焚我郊保。馮陵我城郭。杜注曰。保守也。家大人曰。郊保與城郭相對爲文。保謂小城也。保與城同類。故言焚成。十三年傳曰。伐我保城是也。襄九年傳。令隧正納郊保。奔火所。亦謂納國外及縣邑小城之民。使奔救火也。杜注郊野保守。檀弓。遇負杖入保者息。鄭注曰。保縣邑小城之民。亦非。檀弓。遇負杖入保者息。鄭注曰。保縣邑小城。月令四鄙入保。晉語。抑爲保障乎。鄭韋注竝曰。小城曰保。莊子盜跖篇曰。大國守城。小國入保。

馮陵我城郭

杜注曰。馮。迫也。家大人曰。馮。亦陵也。馮。陵。疊韻。不得分爲二義。十三年傳。君子稱其功。以加小人。小人伐其技。以馮君子。杜彼注云。加。陵也。馮。亦陵也。爾雅。馮。河。徒涉也。小雅。不敢馮。河。毛傳云。馮。陵也。正義曰。陵。波而渡。故訓馮爲陵。周官大司馬。馮。弱。犯寡。則皆之。鄭注云。馮。猶乘陵也。乘陵。亦疊韻。

范匄少于中行偃而上之

九年傳。范匄少于中行偃而上之。使佐中軍。杜注曰。使匄佐中軍。偃將上軍。引之謹案。上之二字上。蓋脫中行偃三字。此言范匄年少於中行偃。而偃以匄爲賢。讓之。

使居已上也。下文韓起少於欒黶而欒黶士魴上之。土魴二字衍。使佐上軍是其例矣。若但云上之而不言上之說見下。之人則文義不明。杜注欒黶士魴上之云。魴讓起而此不云偃讓句則所見本已脫中行偃三字。

欒黶士魴上之

韓起少於欒黶而欒黶士魴上之使佐上軍。杜注曰。魴讓起起佐上軍。魴將下軍魴佐之引之謹案。士魴二字蓋因下文滕人薛人從欒黶士魴而衍杜所見本已然蓋下軍將次於上軍佐韓起若不佐上軍則欒黶當佐上軍矣。故欒黶與韓起相讓若士魴爲下軍佐與上

軍佐位不相近無由讓上軍佐於韓起也且上文韓起少於欒黶不言少於士魴則不當有士魴二字

攝威之

十一年傳則武震以攝威之釋文攝如字又之涉反家大人曰之涉之音是也攝與懾同懾也謂武震以畏懼之也凡懼謂之懾使人懼亦謂之懾呂氏春秋論威字篇威所以懾之

通作攝史記刺客傳荊軻嘗游過榆次與蓋聶論劍蓋

聶怒而目之荊軻出蓋聶曰是空去不敢留吾曩者目

攝之目攝之謂怒目以懼之也

索隱正義解攝字皆韓誤辯見讀書雜志

詩外傳曰上攝萬乘下不敢敖乎匹夫竝與此攝字同

義。

荀偃將中軍

十三年傳使士匄將中軍。辭曰：請從伯游。荀偃將中軍。上匄佐之。家大人曰：荀偃上當有使字。晉侯使士匄將中軍。而士匄辭以荀偃。故使荀偃將中軍。士匄佐之。脫去使字。則文義不明。自唐石經已然。而各本皆沿其誤。下文使韓起將上軍。辭以趙武。使趙武將上軍。韓起佐之。趙武上亦有使字也。太平御覽職官部三十五。人事部六十四。引此竝作使荀偃將中軍。

農力

世之治也。君子尚能而讓其下。小人農力以事其上。家
大人曰。農力以事其上。與尚能而讓其下。對文。則農力
非耕田之謂也。廣雅。農勉也。言勉力以事其上。也。農力猶勞
力。語之小人謂在下之人。亦非謂庶民也。下文云。是以
轉耳。上下有禮而讒慝黜遠。由不爭也。然則小人農力以事
其上。謂在下者皆勉事其上。而無爭心也。下文又云。及
其亂也。君子稱其功以加小人。小人伐其技以馮君子。
稱其功以加小人。則必不尚能而讓其下矣。伐其技以
馮君子。則必不農力以事其上矣。故知農力者。勉力之
謂。非耕田之謂也。呂刑云。稷降播種。農殖嘉穀。言勉殖

嘉穀也。

說見呂刑

管子大匡篇云耕者農用力言勉用力也

說見讀書雜誌

又云耕者用力不農言用力不勉也此皆古人

謂勉爲農之證杜未釋農力二字故具論之

多遺秦禽

多取費焉

多殺國士

十四年傳吾令實過悔之何及多遺秦禽杜注曰軍師不和恐多爲人所禽獲家大人曰多讀爲亦祇以異之祇祇適也言我若不歸則適爲秦所禽獲而已多與祇古同聲而通用襄二十九年傳祇見疏也正義祇作多云多見疏服虔本作祇見疏解云祇適也晉宋杜本皆作多論語子張篇多見其不知量也何注曰適足自見

也。臚旅聲相近其義一耳。叔孫通傳大行設九賓臚句傳。蘇林曰。上傳語告下爲臚。下告上爲句。韋昭曰。大行今之鴻臚。應劭注。百官表曰。鴻臚者。鴻臚傳之也。莊子外物篇。大儒臚傳。陳言也。傳言也。

晉語。風聽臚言於市。韋昭注曰。臚傳也。采聽商旅所傳。

善惡之言是也。周語曰。庶人傳語。此傳土文曰。土傳言。

竝與臚言同義。韋注。庶人傳語曰。庶人卑賤。見時得失。

不得達傳以語士也。杜注。士傳言曰。士卑不得徑達聞。

君過失傳告大夫。然則商人亦卑賤不能徑達故傳言。

于市以待上之風聽。與漢書賈山傳。古者聖王之制。史。

在前書過失。

即上文史爲書

工誦箴諫。

上文同

誓誦詩諫。

即上文誓爲諫

公卿比諫。

即上文夫規海

士傳言諫過。

即上文士傳言

庶人謗於道。

即上文商旅議於市。即此。彼文皆取此傳爲之而未云
庶人。商旅議於市。則是以旅爲商。殆由誤讀傳文而然。正義
云。商旅不行。旅亦是商。此文連于市。若然於市之土增
以旅爲商。直云商旅于市。則文不成義。一議字亦足證商人之以言諫而非以貨諫矣。

道人

夏書曰。道人以木鐸徇于路。杜注。道人。行人之官也。徇
于路。求歌謠之言。說文。丌部。丌。古之道人。以木鐸記詩
言。從辵從丌。丌亦聲。讀與記同。引之謹案。說文道人。當
作迂人。許君所據左傳作迂人。故於迂下述之如此。猶
琯字注曰。古者玉琯以玉。舜之時。西王母來獻其白琯。

𨾏字注曰古者城闕其南方謂之𨾏皆舉古事以著其字之所出此言古之𨾏人亦猶是也若如今本說文作道人則當述於彳部道字下不當於丌下述之矣且左傳若無𨾏人之文則此從彳從丌之字何以知爲古之𨾏人以木鐸記詩言者乎玉篇引說文已作道人則其誤久矣又案作𨾏者蓋賈侍中左傳解詁本也其記詩言及讀與記同則賈侍中說左傳語也

官師

官師相規工執藝事以諫杜注曰官師大夫楚語任與有旅賁之規位字有官師之典韋注曰師長也引之謹

案左傳之官師與工並舉楚語之官師與旅賁並舉乃是官之小者襄十五年傳官師從單靖公逆王后于齊卿不行非禮也杜彼注曰官師劉夏也天子官師非卿也正義曰釋例云元士中士稱名劉夏石尚是也是天子之官師非卿祭法官師一廟鄭注曰官師中士下士賈子階級篇曰古者聖王制爲列等內有公卿大夫士外有公侯伯子男然後有官師小吏施及庶人以上三說皆不以官師爲大夫

雒門之萩

十八年傳伐雒門之萩惠氏補注曰萩鄭元引作萩之

案水經潛水注引左傳作萩乃傳寫之誤非
鄭氏原文也凡書傳中萩字傳寫多誤作萩案玉篇音
且畱切蒿也當從萩釋文云本又作萩引之謹案蒿艾
之屬不中爲萩晉人無爲伐之萩卽楸字也說文楸梓
也徐鍇注曰春秋左傳伐雍門之楸作萩同漢書東方
朔傳又有萩竹繒田貨殖傳山居千章之萩顏師古注
竝曰萩卽楸樹字也字亦作楸晏子春秋外篇曰景公
登簪室而望見人有斲雍門之楸者中山經其狀如楸
郭璞注卽楸字也

也乎

家大人曰襄十九年傳欒懷子曰其爲未卒事於齊故
也乎乎字後人所加也與耶同古書通以也爲後人不

知古字之假借。故又加乎字耳。後漢書袁譚傳注。太平御覽人事部七。禮儀部二十八。引此皆無乎字。又昭七年傳。子產曰。晉爲盟主。其或者未之祀也乎也。亦與邪同。乎字亦後人所加。太平御覽鬼神部三。引此有乎字。亦後人依俗本左傳加之。其人事部三十八。器物部一。及王制正義。後漢書儒林傳注。引此皆無乎字。晉語作其或者未舉夏郊邪。說苑辨物篇作其或者未舉夏郊也。則也卽邪字明矣。以上二條。唐石經殘闕。

以卒

二十年傳。賦常棣之七章以卒。杜注曰。七章以卒。盡八

章引之謹案杜解以卒二字未安竊謂以猶與也說見釋詞卒章也言賦常棣之七章與卒章也卒下無章字者蒙上而省。

爲王御士

二十二年傳子南之子棄疾爲王御士杜注曰御王車者引之謹案御侍也御士蓋侍從之臣若周官御僕御庶子之屬見夏官大僕非謂御車者也僖二十四年傳積叔桃子遂奉大叔以狄師攻王狄師二字衍說見本條王御士將禦之杜彼注曰周禮王之御士十二人即御僕下士十有二人是其

證。

知不集也

二十三年傳齊侯以藩載欒盈及其士。納諸曲沃。欒盈夜見胥午而告之。對曰。不可。天之所廢。誰能興之。子必不免。吾非愛死也。知不集也。杜注曰。集成也。釋文。知音。智。又如字。家大人曰。讀如字者是。知不集者。知事之必不成。非自謂其智之不能成事也。

則季氏信有力於臧氏矣

孺子秩固其所也。若孺立。則季氏信有力於臧氏矣。杜注曰。臧氏因季氏之欲而爲定之。猶爲有力。今若專立孟氏之少。則季氏有力過於臧氏。引之謹案。公鉏之意。

欲季孫立羯以樹恩於孟氏。非求勝於臧孫之立悼子也。不得云有力於臧氏。臧當爲孟。因上下文臧氏而誤爲臧耳。力功也。見晉語言秩本當立。立之不足以爲功。羯不當立。而季氏立之。則信有功於孟氏矣。謂羯必感其恩也。杜不能釐正而曲爲之說。非是。昭二十八年傳。謂賈辛司馬。身有力於王室。故舉之。晉語。自文公以來。有力於先君而子孫不立者。將授立之。周語鄭武莊有大勳力於平桓謂有功於王室。有大勳力於平桓功於先君也。豈謂有功過於王室。過於先君乎。

藥石

孟孫之惡我藥石也。引之謹案藥字古讀若瞞。說見唐韻正。

聲與療相近。方言。療治也。江湘郊會謂醫治之曰。或曰療。注。音曜。與藥古字通。故

申鑒俗嫌篇云。藥者療也。藥石謂療疾之石。專指一物

言之。非分藥與石爲二物。故下文云。美疾不如惡石。又

云。石猶生我也。三十一年傳。不如吾聞而藥之也。家語

正論篇同。王肅云。藥療也。犬雅板篇不可救藥。韓詩外

傳藥作療。正義云。不可救以藥讀。藥爲藥餌之藥。失之。莊子天地篇曰。有虞

氏之藥瘍也。荀子富國篇曰。不足以藥傷補敗。藥字並

與療同義。藥石猶療石耳。注疏說此二字皆未了。

寢廟

夫鼠晝伏夜動不穴於寢廟。畏人故也。正義曰。一解。此

二字上鼠不敢穿寢廟墉以爲穴者。卽畏人故也。但寢

則近人廟則幽靜。鼠不穿廟。豈是畏人。故知寢廟閒雅

鼠不卽以爲穴。必須穿壁始敢安處。止爲畏人故也。惠

氏樸菴曰。廟日祭月祀朝聘饗燕皆行之於廟。故鼠不

穴。疏以爲廟幽靜。失之。引之謹案。經言寢廟多指宗廟

言之。此寢廟則指人之寢室言之。寢室爲人之所居。故

鼠不敢穴。襄四年。魏絳引虞人之箴曰。民有寢廟。獸有

族藪。各有攸處。德用不擾。民居寢廟。獸居茂草。故曰各

有攸處。

杜注。人神各有所歸。故德不亂。非也。箴言民獸各有攸處。非謂人神不相雜。此寢廟

亦謂人之所居。非謂宗廟也。凡宮室尊嚴謂之廟。荀子禮論篇疏。房櫨。貌。越。席牀第几筵。所以養體也。楊倞注。曰。貌。古貌字。貌。廟也。廟者。宮室尊嚴之名。呂氏春秋慎勢篇曰。古之王者。擇天下之中而立國。擇國之中而立宮。擇宮之中而立廟。此廟字。亦指王者所居言之。非謂宗廟也。

沒沒

二十四年傳。何沒沒也。將焉用賄。杜注曰。沒沒。沈滅之言。釋文。沒沒。如字。一音妹。家大人曰。沒沒。貪也。取。下句云。將焉用賄。晉語。不沒爲後也。韋注曰。沒。貪也。又不沒。

於利也。注曰：不貪利國家也。秦策沒利於前而易患於後。高注曰：沒，貪也。史記貨殖傳：吏士舞文弄法，刻章僞書，不避刀鋸之誅者，沒於賂遺也。沒，亦貪也。重言之則曰沒沒矣。釋文：一音妹。妹與昧同音。昧亦貪也。二十六年傳曰：楚王是故昧於一來。杜注：昧猶貪冒。二十八年傳曰：貪昧於諸侯以逞其願。漢書匈奴傳：贊昧利不顧敘傳：苟昧權利。顏注：竝曰：昧，貪也。重言之則曰昧昧矣。昧與沒古同聲而通用。故史記趙世家：昧歾以聞。趙策作沒歾。

將庸何歸

二十五年傳且人有君而弑之吾焉得外之而焉得亡
之將庸何歸杜注曰將用外亡之義何所歸趣引之謹
案杜說非也吾焉得外之而焉得亡之承上吾外也吾
亡也而言將庸何歸則承上君外安歸而言杜并兩意
爲一意而以庸爲用歸爲歸趣失其旨矣將庸何歸者
將何歸也庸亦何也莊十四年傳庸非貳乎僖十五年傳音其庸可冀乎襄十四年傳庸
知愈乎若斯之類不可悉數何歸之爲庸何歸猶何傷之爲庸何傷
文十八年傳人奪女妻而不怒一扶女庸何傷昭元年傳數月於外一旦於是庸何傷魯語醉而怒醒而喜庸
何安知之爲庸安知吾不得之桑落之下詎知之爲
庸詎知莊子齊物論篇庸詎知吾所謂知之非孰能之
不知邪庸詎知吾所謂不知之非知邪

爲庸孰能也。大戴記曾子制言篇則雖女親庸孰能親女乎解者多訓庸爲用故義不可通。

一與一誰能懼我 不利子商

間邱嬰與申鮮虞乘而出行及弇中將舍嬰曰崔慶其追我鮮虞曰一與一誰能懼我家大人曰與猶當也敵也。方言曰懼病也言狹道之中一以當一。雖崔慶之眾不能病我也。故下文出弇中謂嬰曰速驅之。崔慶之眾不可當也。當亦與也。二十四年傳曰大國之人不可與也。與亦當也。管子輕重戊篇曰卽以戰鬪之道與之矣與之敵之也。秦策曰以此與天下天下不足兼而有也。

淮南人閒篇曰。大之與小。強之與弱也。猶石之投卵。虎之啗豚。史記燕世家曰。龐煖易與耳。白起傳曰。廉頗易與。淮陰侯傳曰。吾平生知韓信爲人。易與耳。與皆謂敵也。高祖紀曰。上自東往擊陳豨。聞豨將皆故賈人也。上曰。吾知所以與之。言吾知所以敵之也。是相當相敵。古皆謂之與也。晉語。楚令尹子玉曰。請殺晉公子。弗殺而反晉國。必懼楚師。言必病楚師也。下文王曰。天之祚楚。誰能懼之。言誰能病之。猶申鮮虞言誰能懼我也。是懼爲病也。成十六年左傳。益釋楚以爲外懼乎。晉語。懼作忠。患與病義亦相近。引之謹案。哀九年傳。利以伐姜。不

利子商。杜注曰。子商。謂宋。案傳文子字。其不可解者有三。下文曰。伐齊則可。敵宋不吉。正釋此二句之義。則傳意謂不利敵宋也。若但云不利于商。則是不利於宋。與傳意相反矣。其不可解者一也。伐與敵不同義。以其國謂之伐。兩軍相遇而戰。謂之敵。十七年傳曰。我十伐衛。未卜與齊戰。二十七年傳曰。我卜伐鄭。不卜敵齊。此傳曰。伐齊則可。敵宋不吉。是伐與敵不同也。是時宋伐鄭。而晉欲救之。救則兩軍且相遇而戰。可謂之敵。不可謂之伐。不得承上伐姜之文而省也。乃上句言伐。而下句不利子商。殊無敵義。其不可解者二也。子固商姓。然不

得遂謂之子商。姜爲齊姓。豈得遂謂之姜齊乎。徧考書傳。無稱宋爲子商者。而言子商謂宋。其不可解者三也。今案傳自釋曰。敵宋不吉。不吉亦不利也。宋亦商也。則商上之字。當與敵同義。作子則非其義矣。子疑當作予。予卽與字。古人多謂敵爲與。已見下文曰。宋方吉。不可與也。謂宋不可敵也。此言不利與商。卽是不利敵宋。故傳自釋之曰。敵宋不吉也。子字之形似予。又因下文子水位也之文而誤耳。東周策。秦知趙之難。子齊人戰。子卽與字。今本譌作子。漢書高祖紀。楚子諸侯人之慕漢者。數萬人。子亦譌作子。又案不可與也。杜注曰。不可與戰。蓋誤釋爲與共之與。而以戰字增成其義。不知與訓

爲敵戰義在其中矣。越語說戰曰：彼來從我，固守勿與。
老子曰：善勝敵者不與，皆謂兩軍相敵也。解者皆誤以
爲與其之與而增字以足之。韋昭注越語則曰：勿與戰。
王弼注老子則曰：不與爭，蓋古義之湮久矣。漢書朝鮮傳：獨左將軍并將戰，益急恐不能與言，恐不能敵也。如淳曰：不能與左將軍相持也，亦是誤以爲與其之與而增字以足之。史記朝鮮傳：恐不能與下有戰字，則又後人不曉與字之義而妄增之也。

五吏三十帥

齊人賂晉侯以宗器樂器，自六正五吏三十帥三軍之
大夫百官之正長師旅及處守者皆有賂。杜注曰：六正
三軍之六卿五吏，又職三十帥，武職皆軍卿之屬官，引

之謹案晉之五吏具在傳中。成二年傳公賜晉三帥先
路三命之服。司馬司空與帥侯正亞旅皆受一命之服。
蓋一司馬二司空三與帥四侯正五亞旅。此晉五吏之
舊制也。自悼公立軍尉而五吏之名遂先軍尉而省亞
旅。成十八年傳說悼公命官曰卿無共御立軍尉以攝
之。祁奚爲中軍尉羊舌職佐之。魏絳爲司馬張老爲侯
奄鐸遏寇爲上軍尉藉偃爲之司馬。晉語亦曰祁奚爲
元尉羊舌職佐之。魏絳爲元司馬張老爲元侯。鐸遏寇
爲與尉藉偃爲與司馬。元尉卽軍尉也。元侯侯奄卽侯
正也。上軍尉與尉卽與帥也。故襄十九年公享晉六卿。

于蒲圃賜之三命之服軍尉司馬司空興尉候奄皆受
一命之服蓋自悼公以後有軍尉而無亞旅此晉五吏
之新制也此傳齊賂晉侯爲賂晉平公則所謂五吏者
當爲悼公所定一軍尉二司馬三司空四興尉五候奄
矣晉武王伐紂誓師毋野曰司徒司馬司空亞旅師氏
爲官凡五晉之五吏其遺法也淮南兵略篇曰夫論除
謹動靜時吏卒辨兵甲治此下當有此司馬之官也一句正行五連什
伯明鼓旗此尉之官也前後知陽易見敵知難易發斥
不忌遺此候之官也隧路亟行輜治賊丈均處軍輯井
竈通此司空之官也收藏於後遷舍不離無淫輿無遺

輜此與之官也。凡此五官之於將也，猶身之有股肱手足也。五官卽此五吏矣。三十帥者，師帥也。統於六正者也。夏官司馬曰：凡制軍，萬有二千五百人爲軍。王六軍，大國三軍，次國二軍，小國一軍。軍將皆命卿，二千有五
百人爲師。師帥皆中大夫，依小司徒五師爲軍。一軍之中，師帥凡五。六軍則師帥三十。大國三軍，師帥凡十五也。晉爲大國，師帥當十五。而有三十帥者，古者天子一圻而有六軍。今晉地數圻，計井出賦，自當有六軍之數，非三十帥不足以統之。晉自文公作三軍，僖二十七年其後作五軍，三十舍二軍。文六年作六軍，成三年至悼公舍新軍。

而復爲三軍

襄十四年

雖分合不常而車徒之數則一名爲

三軍其實六軍故有三十帥也再以乘馬之法計之城

濮之戰晉車七百乘

在僖二十八年是時晉初作三軍

凡五萬二千五

百人當爲師帥二十有一每七帥而一軍葦之戰八百

乘

在成二年自文六年晉舍二軍仍爲三軍

凡六萬人爲帥二十有四每八

帥而一軍平邱之會四千乘

在昭十三年自襄十四年晉舍新軍仍爲三軍凡

三十萬人爲帥百有二十每四十帥而一軍此傳伐齊

不言車數以三十帥推之當爲千乘而統士卒七萬五

千人每十帥而一軍也若下文百官之正長師旅師旅

爲官屬而非將帥詳見前師不陵正旅不偏師下

不可億逞

今陳介恃楚眾以馮陵我敵邑。不可億逞。杜注曰。億。度也。逞。盡也。家大人曰。杜訓億爲度。逞爲盡。不可度盡。殊爲不辭。今案億者。滿也。逞與盈古字通。言其欲不可滿盈也。文十八年傳曰。侵欲崇侈。不可盈厭。意與此同。說文曰。億。滿也。方言曰。臆。滿也。漢書賈誼傳曰。好惡積意。說見前我意。意臆。並與億同。是億爲滿也。左氏春秋昭二十三年。沈子逞。穀梁作沈子盈。左氏傳欒盈。史記作欒逞。又昭四年傳。逞其心以厚其毒。新序善謀篇。逞作盈。是逞卽盈也。廣雅曰。盈。臆滿也。小雅楚茨篇曰。我食

既盈我庾維億億亦盈也說見前我庾維億下易林乾之師曰倉盈庾
億漢巴郡太守樊敏碑曰持滿億盈是億盈皆滿也

鳩數澤

爲掩書士阻度山林鳩數澤杜注曰鳩聚也聚成數澤
使民不得焚燎壤之欲以備田獵之處引之謹案數澤
乃天地自然之利非人所能聚而成之世不得云聚成
數澤鳩當讀爲究爾雅度究謀也大雅皇矣篇曰爰究
爰度究猶度也度山林究數澤皆取相度之義鳩究二
字皆以九爲聲小雅小弁篇不舒究之與醕爲韻則究
讀若鳩故與鳩通古字多假借後人失其讀耳究數澤

者度其出賦之多寡故下文遂云量入脩賦非以備田獵也賈逵云數澤之地九夫爲場八場而當一井見本義尤失經義

數疆潦

杜注疆界有流潦者計數減其租入正義曰賈逵以疆爲疆界境塙之地鄭眾以爲疆界內有水潦者案周禮草人凡糞種疆藥用糞鄭元云疆藥強堅者則疆地猶堪種植非水潦之類故從鄭眾之說數其疆界有水潦者計數減其租稅也孫毓讀爲疆潦註云砂磧之田也引之謹案水潦所集不必在疆界且上文之山林數澤

京陵淳鹵下文之偃豬原防陽皋衍沃皆二字平列此
疆潦不應獨異鄭眾之說非也孫毓讀爲疆潦蓋疆
之譌爾雅山多小石版郭璞注云多版礫釋文礫居羊
反引字林云礫也說文礫小石也玉篇礫同礫力的切
眾經音義卷八引通俗文云地多小石謂之疆礫是疆
礫者有石之地逸周書文傳篇所謂礫石不可穀樹之
葛木以爲絺綌以爲材用者也不可樹穀故計數減其
租入也孫說爲長

公怨之幸而後已

二十七年傳志誣其上而公怨之以爲賓榮其能久乎

幸而後亾家大人曰怨刺也言伯有志誣其君於君享
趙孟之時賦鶚之賁賁之詩公然譏刺之以爲賓榮寵
也廣雅譏諫怨也諫通作刺論語陽貨篇詩可以怨鄭
注曰怨謂刺上政見抑風擊鼓正義漢書禮樂志曰怨刺之詩
起詩譜序曰刺怨相尋是怨與刺同義正義以公爲君
怨爲怨怒云伯有反將公之所怒以爲賓之榮寵失之
遠矣

杜解幸而後亾曰言必先亾家大人曰杜以下文云子
展其後亾者也故以後亾連讀謂伯有必微夫幸乃得
後亾否則必先亾也不知此以而後二字連讀非以後

亡二字連讀。亡謂出奔也。言伯有幸而後得亡。不幸則
爲戮。故上文云伯有將爲戮也。哀二十五年傳衛侯怒
褚師聲子。褚師出曰。今日幸而後亡。杜彼注云。恐外以
得亡爲幸。是其明證矣。僖二十一年傳宋公子目夷曰。
宋其亡乎。幸而後敗。亦謂幸而後止於敗。不幸則亡也。
以上三條皆以而後二字連讀。

龍宋鄭之星也

二十八年傳龍宋鄭之星也。杜注曰。歲星木。

各本木誤作本據上

注及正義改。

位在東方。東方房心爲宋。角亢爲鄭。故以龍爲

宋鄭之星。正義曰。歲星屬木。木位在東方。東方之次皆

是龍分。天之分野。並爲大火。辰爲壽星。大火房心爲宋分。壽星角亢爲鄭分。故龍爲宋鄭之星也。然則寅爲析木之津。析木。燕之分野。梓慎言不及燕。當別有以知之。非吾徒所能測也。引之謹案。龍謂歲星。宋鄭以歲星爲侯。故曰龍。宋鄭之星也。史記天官書云。宋鄭之疆。侯在歲星。是其證也。歲星本爲宋鄭之星。非以東方之宿房心爲宋。角亢爲鄭也。杜不得其解。而以東方之宿說之。誤矣。若果謂東方之宿。豈有略燕之分星而不數者乎。

遺民

二十九年傳。思漢哉。其有陶唐氏之遺民乎。不然何憂。

之遠也。家大人曰：遺民本作遺風。此涉下文猶有先王之遺民而誤。案杜注云：晉本唐國故有堯之遺風。則傳文之作遺風甚明。而今本正義云：作歌之民與唐世民同。顯與杜注不合。此後人以已誤之傳文改之也。唐風蟋蟀正義云：有唐堯之遺風。故名之曰唐。故季札見歌唐曰：思深哉！其有陶唐氏之遺風乎？彼疏所引正作遺風。故知此疏爲後人所改也。漢書地理志作遺民。亦後人依誤本改之。史記吳世家正作遺風。又蟋蟀序云：本其風俗。憂深思遠。儉而用禮。乃有堯之遺風焉。義卽本於左傳遺風二字。與史記杜注及詩正義所引皆合。自

唐石經始作遺民而各本皆治其誤。

熙熙乎

廣哉熙熙乎。杜注曰。熙熙和樂聲。家大人曰。訓熙熙爲和樂聲。則與廣字義不相屬。予謂熙熙卽廣也。周語云。熙廣也。周頌昊天有成命傳同。重言之則曰熙熙。謂其廣熙熙然也。廣哉熙熙。猶言遠哉遙遙。殆哉岌岌矣。

八風

引之謹案。樂之有八音。以應八方之風也。隱五年傳。夫舞所以節八音而行八風。周語。鑄之金。磨之石。繫之絲。木。越之匏竹。節之鼓。而行之以遂八風。賈服注並曰。八

風。八卦之風是也。

賈逵注見初學記樂部上

因而八音即謂之八風。

襄二十九年傳。五聲和八風。平謂八音克諧也。五聲八

風相對爲文。杜注曰。八方之氣謂之八風。非也。昭二十

年傳。一氣一體三類四物五聲六律七音八風九歌以

相成也。二十五年傳。爲九歌八風七音六律以奉五聲

八風與七音九歌相次。則是八音矣。八音皆人所爲。故

曰爲九歌八風。若八方之風。具是天籟。不得言爲矣。杜

注昭二十年傳曰。八方之風亦非。大戴記小辨篇。天子

學樂辨風。又曰。循弦以觀於樂。足以辨風矣。辨風即辨

音。

盧注別四方之風失之。

管子宙合篇。君失音則風律必流。輕重

已篇吹堦簾之風。驚動金石之音。風猶音也。成九年傳。晉侯見鍾儀。使與之琴。操南音。范文子曰。樂操土風。不忘舊也。土風謂南音。此風訓爲音之證。樂記。八風從律。而不彥。亦謂八音克諧也。說見樂記淮南原道篇揚鄭衛之浩樂結激楚之遺風遺風卽遺音故高注曰遺風猶餘聲

天又除之

然明日。政將焉往。裨諝曰。其焉辟子產。舉不踰等。則位班也。擇善而舉。則世隆也。天又除之。奪伯有魄。子西卽世。將焉辟之。衆大人曰。天又除之。之字卽指子產而言。小雅天保篇。何福不除。毛傳曰。除。開也。此言子產位當

知政。而世皆稱其善。天又開除子產而奪伯有之魄。則政將焉避子產也。天又除之。猶言天又啟之。啟亦開也。三十一年傳。趙文子問於屈狐庸曰。延州來季子其果立乎。巢隕諸樊。圍牧。戴吳。天似啟之。語意與此相似。杜以天又除之爲驅除伯有。則於語意不合。

過諸廷

三十年傳。初王儵卒。其子括將見王而歎。單公子愆期爲靈王御士。過諸廷。聞其歎。杜解過諸廷曰。愆期行過王廷。家大人曰。過當爲遇。字之誤也。儵括入朝。而愆期遇之於廷。故曰遇諸廷。猶論語言遇諸塗也。若如杜

注云。行過王廷。則當言過廷。不當言過諸廷矣。論語鯉趨而過庭。若加一字曰。鯉趨而過諸庭。其可乎。

婦義事也

君子謂宋共姬女而不婦。女待人婦義事也。杜注曰。義從宐也。引之謹案。義訓爲宐。不訓爲從宐。婦從宐事。斯爲不辭矣。今案義讀爲儀。儀度也。言婦當度事而行。不必待人也。說文儀度也。周語曰。儀之于民而度之于羣生。又曰。不度民神之義。不儀生物之則。儀與義古字通。說文義己之威儀也。文侯之命。父義和。鄭注義讀爲儀。周官肆師治其禮儀。鄭注。故書儀爲義。鄭司農云。義讀爲儀。古者書儀但爲義。今時所謂義爲說。小雅楚茨篇。禮儀卒度。韓詩作義。周官大行人。大客之儀。大戴禮。朝

事篇作義樂記制之禮義漢書禮樂志晉語曰臣請薦

作儀周語示民軌儀大射儀注引作義晉語曰臣請薦

所能擇而君比義焉楚語曰教之訓典使知族類行比

義焉又以其智能上下比義皆謂比度之也說見後字

又通作議昭六年傳曰晉先王議事以制亦謂度事也

誰知所敝

國之禍難誰知所敝引之謹案敝猶終也言不知禍難

所終也歸妹象傳曰君子以示終知敝雜卦傳歸妹緇

衣曰故言必慮其所終而行必稽其所敝是敝與終同

義高注淮南原道篇曰敝盡也盡亦終也

與子上盟

游吉奔晉駟帶追之及酸棗與子上盟用兩珪質于河
使公孫臍入盟大夫已已復歸釋文出與子上用兩珪
質于河九字云一木作與子上盟絕句用兩珪質于河
別爲一句也引之謹案用上盟字蓋衍交用兩珪質于
河此誓也非盟也下文入盟大夫乃言盟耳上文子產
行之中段從
之子皮止之王寅子產入癸卯子與入皆受盟于子曲
皙氏亦是止之於外而盟於內方止之時不及盟也
禮曰約信曰誓涖牲曰盟周官封人六盟則飾其牛牲
司盟凡盟詛以其地域之眾庶共其牲而致焉傳凡言
陳五父及鄭伯盟歆如忘隱七坎皿加書僞與子儀子

邊盟

僖二十五年

新與楚盟口血未乾

襄九年

王賜之駢旄之

盟

十

欲用牲加書曰天子既與楚客盟

二十六年

宋之盟楚

人先歃

二十七年

坎用牲埋書而告公曰合比將納亡人之

族既盟于北郭

昭六年

諸侯盟誰執牛耳

哀十年

衛太子與

玃迫孔惺於廐強盟之

同上又僖九年設梁傳

無不殺

牲歃血者其倉卒無牲則以人血代之如云孟任割臂

盟公

莊三十二年

王割子期之心以與隨人盟

定四年

是也無

用珪者用珪則非盟也僖二十四年傳子犯以璧授公

子請由此亡公子曰所不與舅氏同心者有如白水投

其璧于河亦是約信而非盟也故晉語但言公子沈璧

以質而不言盟

韋注以質信也沈璧以自誓爲信

自史記晉世家載此

事云投璧河中以與子犯盟說苑復恩篇亦云沈璧而

盟始誤以誓爲盟蓋西漢時已不知誓與盟之有別矣

韓子外儲說云咎犯再拜而辭文公止之解左驂而盟

子河

趙策刑白馬而盟之與此同

不曰投璧而曰解左驂然則泣牲

者乃謂之盟投璧不可謂之盟也杜注投其璧于河曰

質信於河注此傳曰沈建於河爲信也但云質信云爲

信則非盟可知杜所據本蓋無盟字

降婁中而且

於是歲在降婁降婁中而且杜注曰降婁奎婁也周七

月。今五月降婁中而天明正義曰劉炫以爲五月降婁
未中而規杜失引之謹案劉說是也。月令仲夏旦危中。
季夏旦奎中。月令季夏爲周之八月。蓋子嶠之葬在十
九年之八月。是月降婁中而旦也。杜當云周八月。今六
月降婁中。百天明則得之矣。而云周七月。今五月。此誤
記。月令故爾。正義曲護杜氏。而云月令是細計之數。杜
據大略而言。故與月令不同。非也。

諄諄

三十一年傳。且年未盈五十。而諄諄焉如八九十者。弗
能久矣。釋文諄諄徐之問反。或一音之純反。引之謹案。諄諄。耗亂也。漢書董仲

舒傳天謂趙孟年未滿五十而眊亂如八九十人也昭
下眊亂

元年傳諺所謂老將知而老及之者其趙孟之謂乎杜

彼注云八十曰耄耄亂也義與此同眊老古字通呂刑

作眊諄諄或作詵詵又作炖炖爾雅詵詵亂也釋文詵

荒之純二反或楚辭九章中閔替之炖炖竝字異而義同

漢書五行志引此文顏注諄諄重頓之貌也失之

高其開闕

顏師古匡謬正俗曰襄三十一年子產相鄭伯如晉子
產使盡壞其館之垣而納車馬焉士文伯讓之曰敝邑
以政刑之不脩寇盜充斥無若諸侯之屬辱在寡君者

何是以令吏人完客所館高其閤閤厚其牆垣以無憂
客使杜元凱注云閤門也徐仙閣音塔今吾子壞之雖
從者能戒其若異客何謝曰今銅鞮之宮數里而諸侯
舍于隸人門不容車而不可踰越杜元凱注曰門庭之
內迫迤又有牆垣之限爾雅云所以止扉謂之閤郭景
純注曰門辟旁長板也左傳曰高其閤閤按若館門實
高而直庭內迫迤者卽當云庭不容車不應云門也又
高爲門戶非闔止盜之方文伯不應云以無憂客使若
門得車入則子產止須引車入門致室屋之下何勞壞
垣云不可踰越蓋是門旣不大而止扉又高以牢固扞

禦寇賊子產爲其不容車入故壞垣耳。尋文究理郭說得之。但閤與閤二字相侑。流俗轉寫致有混謬。杜君不加詳數就而通之。未爲允當。以上匡謬正俗引之謹案作閤者左傳原文也。作閤者傳寫之誤也。元凱從作閤之本而訓爲門允矣。當矣。郭注爾雅引作閤閤則爲東晉時誤本所惑。師古不知正景純之誤。反據其所引以規杜注非也。今取師古之說而尋究之。其不可通者有七。凡門之高與牆相稱。言門高則牆高可知。門牆俱高則盜賊不能踰越。故必高其閤閤而後無憂客使也。而云高爲門戶。非關止盜之方。其不可通一也。傳云高其閤閤。

其墻垣閤與閤同義皆謂門也猶垣與墻同義垣亦墻也。邵氏爾雅正義曰閤既爲門。今易閤以閤閤爲門旁

止扉之櫺而閤則爲門之大名二者竝稱名物固已不倫且何以振闕之屬皆置而不言而獨有取於止扉之閤其不可通二也高其閤謂館門高大也若止扉之閤卑之不足以爲陋高之不足以爲美何所取而必欲高之乎其不可通三也門不容車謂門小也若謂止扉太高車不能進則是礙於止扉而不入非門小不能容矣則傳當言門不通車何得言門不容車乎其不可通四也館門高大則可容車館門既容車矣而止扉太高

有礙於車。則子產但毀其止扉。卽可以納車馬。何必舍
閤而毀垣。致干晉人之責讓乎。若館門卑小。實不能容
則雖止扉不高。車馬亦不能入。車之容不容。存乎門之
大小。不繫乎閤之高卑。而謂門不容車。由於止扉之高
其不可通五也。杜注門庭之內迫窄。不當兼言庭。釋門不容
車也。又有牆垣之限。釋不可踰越也。不可踰越。謂牆垣
限之。非謂止扉太高。車不能踰之而過也。郭說止扉曰。
門辟旁長楹也。辟與闕同。開也。謂兩扉既開。其旁有長
楹以止之也。蓋止扉之楹。在門內兩旁。門開則插楹於
地以止扉。使不動。若今城門既開。插木椿於旁以止之。

是也。車由門閒出入。閣在門內兩旁。不當車道。雖高不礙車之出入。而云止扉又高。不容車入。其不可通六也。牢固門戶以禦盜賊。自有關鍵之屬。與止扉之閣無涉。閣以止既開之扉。非以固既闔之扉也。段氏說文注。謂閣閉門乃用之。非是何扞禦寇賊之有。而云門既不大。止扉又高。以牢固扞禦寇賊。其不可通七也。尋文究理。實不當如師古所說。善乎陸氏音義之言曰。爾雅所以止扉謂之閣。讀者因改左傳皆作各齒。案下文云。門不容車。此云高其閑閤。俱謂門耳。於義自通。無爲穿鑿。此足以糾小顏之失矣。徐仙民與景純同時。仙民東晉人。師古諱民。故稱徐仙。而所作左傳

音但音步。不音各。陸元朗亦但謂讀者改左傳作各音。而不言左傳舊本作閤。然則賈服諸家之本皆作閤。閤無作閣者可知。左思魏都賦。營客館以周坊。飭賓侶之所集。瑋豐樓之開閤。起建安而首立。張載注引春秋左傳曰。高其閤閤。又以爾雅曰。閤。巷門也。一曰閤。門中所從出入也。太沖孟陽所據左傳字竝作閤。與元凱同。則西晉以前舊本皆不誤。至東晉時始有譌作閣者。而郭氏誤用之以注爾雅耳。學者實事求是。自當據元凱以規景純之失。何得襲謬承譌。而以不誤者爲誤乎。近世通儒若惠氏定宇。段氏若膺。皆舍元朗之正論。而從師

古之曲說。竟欲以東晉時傳寫之誤字。改而晉以前不誤之舊本。此不可以不辨。

繕完葺牆

以敝邑之爲盟主。繕完葺牆以待賓客。若皆毀之。其何以共命。唐李涪刊誤曰。繕完葺牆。文理不達。所疑字誤。遂有繁文。予輒究其義。是繕字葺牆以待賓客。此則本書字誤爲完。書曰。峻宇雕牆。足以爲比。段氏若膺曰。古三字重疊者。時有。安可以後人文法繩之。下文無觀臺榭。豈非三字重疊耶。況此篇因壞垣屬餽。士文伯誇垣之好。不應見毀。添設字字。則無謂矣。引之謹案。段說是。

也。若皆毀之四字。專指牆而言。則不得兼言字矣。杜注云。葺。覆也。釋文云。謂以草覆牆也。然則繕完葺牆者。既繕完之。又以草覆之耳。李以繕完葺三字爲繁文。案成元年傳。臧宣叔令脩賦繕完。亦是既言脩而又言繕完也。其上三字平列。而下一字總承之者。內外傳中亦往往有之。桓六年傳云。嘉栗旨酒。正義曰。所祭之酒。栗善味美。文十六年傳云。賦斂積實。注實財也。齊語云。論比協材。晉語云。假貨居賄。楚語云。蓄聚積實。注實財也。文義竝與此同。而李以爲繁複。自未曉古人屬文之例耳。

威儀

衛侯在楚北宮文子見令尹圍之威儀言於衛侯曰令尹似君矣將有他志家大人曰令尹圍之威儀本作令尹圍之儀其威字則涉下文威儀而行儀謂容儀也故杜注曰言語瞻視行步不常言令尹之言語瞻視行步有似於人君非謂其有威儀也下文云有威而可畏謂之威有儀而可象謂之儀令尹有他志而瞻視言動上擬於人君何可畏可象之有且下文明言令尹無威儀則不得言見令尹之威儀矣正義曰言令尹之儀今本作儀作威儀顯與本疏下文不合是國君之容矣服虔曰乃後人依已誤之正文改之言令尹動作以君儀故云以君矣服本似君作以君今本正義譌作似君惠

氏已辨之。服言以君儀者。明年傳云。一執戈者。前矣。是用君儀也。以上正義案服言以君儀。孔言用君儀。皆但言儀而不言威儀。則正文之無威字明矣。至下文引詩敬慎威儀云云。乃言威儀耳。自唐石經始衍威字。而各本皆仍其誤。羣書治要有威字。亦後人以誤本左傳改之。漢書五行志引此無威字。

經義述聞第十八